

OPĆINA STARI GRAD

Općinsko vijeće

Na osnovu člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04) i člana 2., 3., 4. i 6. Odluke o priznanjima Općine Stari Grad Sarajevo ("Službene novine Kantona Sarajevo", broj 9/06), Općinsko vijeće Stari Grad Sarajevo je na prijedlog Komisije za priznanja Općine Stari Grad Sarajevo, na sjednici održanoj 25. aprila 2007. godine, donijelo

ODLUKU

O DODJELI PRIZNANJA OPĆINE STARI GRAD SARAJEVO

I.

OPĆINSKA POVELJA

se dodjeljuje pojedincima i kolektivima za višegodišnji doprinos razvoju Općine

1. MUFID GARIBIJA
2. FOND KANTONA SARAJEVO ZA ZAŠTITU I ODRŽAVANJE GROBALJA ŠEHIDA I POGINULIH BORACA
3. UDRUŽENJE ZANATLIJA "STARI ZANATI"

II.

OPĆINSKA PLAKETA

se dodjeljuje pojedincima i kolektivima za doprinos funkcionisanju i razvoju Općine u prethodnom jednogodišnjem periodu

1. MARICA PAŽIN
2. NEDŽIB ĐOZO
3. ASIM KUKOLJ
4. Ef. IBRAHIM HUSIĆ
5. Dr. SMAIL ČEKIĆ
6. OŠ "VRHBOSNA"
7. APOTEKA "SEDRENİK"
8. TAEKWANDO KLUB STARI GRAD
9. KUD "BAŠČARŠIJA"

III.

ZLATNA ZNAČKA OPĆINE

se dodjeljuje pojedincima, općinskim organima i organizacijama, kao i političkim strankama, za doprinos funkcionisanju, i razvoju lokalne samouprave, u prethodnom jednogodišnjem periodu

1. KEMAL KAPETANOVIĆ
2. FARUK EMIRHAFIZOVIĆ

IV.

OPĆINSKA PLAKETA SA ZLATNIM ŠTITOM

se dodjeljuje pojedincima i kolektivima koji su učestvovali u spašavanju zdravlja, života i materijalnih dobara od elementarnih i ekoloških nepogoda i drugih nesreća u prethodnom jednogodišnjem periodu

1. Dr. ALIJA ČELJO
2. MESUD JUSUFOVIĆ

V.

OPĆINSKA POVELJA SA ZLATNIM ŠTITOM

se dodjeljuje pojedincima, komandama, jedinicama i ustanovama oružanih snaga, MUP-a, Civilne zaštite, udruženja građana, preduzećima i ustanovama, državnim organima i organizacijama na području općine za sveukupni doprinos

odbrambenim funkcijama općine u periodu agresije i nakon agresije

1. FEHIM BAŠIĆ
2. EMIR GUŠTER
3. NURADIN MAŠNIĆ
4. SEJDO GAGULA
5. SADIK TABAK
6. SENADA ARNAUTOVIĆ
7. NIHAD HODŽIĆ
8. MEMO MURTIĆ
9. MEMSUD PEKIĆ
10. MIRSAD POPARA
11. NUSRET RANICA
12. HIKMET KARAIĆIĆ
13. EDIN FOČO
14. FARUK PANJETA
15. SABIT MEKIĆ
16. MUNIB ČESKO
17. MENSUR AGANOVIĆ
18. MUNIR ZAHIRAGIĆ
19. DIŠA-DŽANA ŠEHIĆ
20. 3. BATALJON 10. BRDSKA BRIGADA 15. MOTORIZOVANA BRIGADA i 115. BRDSKA BRIGADA

Broj 02-49-219/07
25. aprila 2007. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu tačke II Odluke o usvajanju Projekta "Opsada i odbrana Sarajeva u periodu od 1992. do 1995. godine" broj 01-05-12591/06 koji je usvojila Skupština Kantona Sarajevo na sjednici održanoj 23. marta 2006. godine i člana 25. Statuta Općine Stari Grad Sarajevo ("Službene novine Kantona Sarajevo", broj 10/98, 17/99 i 21/04), Općinsko vijeće Stari Grad Sarajevo, na sjednici održanoj 25. aprila 2007. godine, donijelo je

ODLUKU

O UTVRĐIVANJU ZNAČAJNIH DOGAĐAJA, DATUMA I LIČNOSTI IZ PERIODA AGRESIJE 1992. - 1995. GODINA

I.

Ovom Odlukom utvrđuje se kalendar značajnih događaja, datuma i ličnosti iz perioda agresije na Republiku Bosnu i Hercegovinu na nivou Općine Stari Grad Sarajevo, kao i nosioci obilježavanja.

II.

Na općinskom nivou utvrđuju se sljedeći značajni događaji, datumi i ličnosti

Rb	Datum			Događaj-značajna ličnost	Nivo obilježavanja	Nosilac obilježavanja
1.	10	06	91	Dan organizovanja svih patriotskih snaga za pripremu otpora agresiji na RBiH.	Općina	Općina, boračka udruženja i mjesne zajednice
2.	08	04	92	Dan teritorijalne odbrane Općine Stari Grad Sarajevo	Općina	Općina, boračka udruženja i mjesne zajednice
3.	24	04	92	Dan oružanog suprotstavljanja agresiji i razoružavanje agresora.	Općina	Općina, MUP, boračka udruženja i mjesne zajednice

Rb	Datum			Događaj-značajna ličnost	Nivo obilježavanja	Nosilac obilježavanja
4.	02	05	92	Dan odbrane Općine, i otpora agresiji na Općinu Stari Grad Sarajevo	Općina	Općina, MUP i boračka udruženja
5.	18	05	92	Dan formiranja brigade MUP-a RBiH	Općina	Općina, boračka udruženja i MUP
6.	08	06	92	Dan Ljiljana i dan prvih organizovanih protunapada jedinica na probijanju obruča oko Sarajeva.	Općina	Općina, boračka udruženja MUP i mjesne zajednice
7.	27	05	92	Dan formiranja I,II,III i X brdske brigade	Općina	Općina, boračka udruženja i mjesne zajednice
8.	25 i 26	08	92	Dan urbicida	Općina	Općina i mjesne zajednice
9.	01	03	92	Dan civilnih žrtava rata Općine Stari Grad	Općina	Općina i mjesne zajednice

III.

Ova Odluka stupa na snagu danom objavljivanja u "Službenim novinama Kantona Sarajevo".

Broj 02-49-218/07
aprila 2007. godine
Sarajevo

Predsjedavajući
Općinskog vijeća
Stari Grad Sarajevo
dr. sc. **Rizah Avdić**, s. r.

Na osnovu člana 25. Statuta Općine Stari Grad Sarajevo ("Službene novine Kantona Sarajevo" broj 10/98, 17/99, i 21/04) i Odluke o izvršavanju Budžeta Općine Stari Grad Sarajevo za 2007. godinu ("Službene novine Kantona Sarajevo", broj 2/07), Općinsko vijeće Stari Grad Sarajevo, na sjednici održanoj 25. aprila 2007. godine, usvojilo je

KRITERIJE

O RASPODJELI BUDŽETSKIH SREDSTAVA NAMIJENJENIH ZA SAMOZAPOŠLJAVANJE DEMobilISANIH BORACA

Član 1.

Kriteriji za raspodjelu budžetskih sredstava namijenjenih za samozapošljavanje demobilisanih boraca su osnova za raspodjelu budžetskih sredstava Općine Stari Grad Sarajevo, sa ekonomskog koda 615-000 borcima pojedincima, kao podsticaj za samozapošljavanje iz oblasti poljoprivrede, zanatstva, stočarstva, voćarstva itd. (u daljnjem tekstu: samozapošljavanje).

Ovim Kriterijima uspostaviti će se i podržavati program za rješavanje samozapošljavanja demobilisanih boraca koji su prijavljeni u Zavodu za zapošljavanje Stari Grad Sarajevo, kao i za lica koja imaju neriješen status (raniji status "lica na čekanju").

Član 2.

Pravo prijave na Javni poziv imaju borci, pojedinci ukoliko svojim projektom rješavaju pitanje vlastite nezaposlenosti, a po mogućnosti i nezaposlenosti drugih osoba, kao i:

- da je projekt značajan za Općinu i njene građane;
- da je podnosilac projekta državljanin Bosne i Hercegovine sa prebivalištem na području općine Stari Grad Sarajevo;
- da ni po kojem osnovu nema dugovanja prema Općini;
- da vrijednost prijavljenog projekta iznosi od 3000 KM do 5000 KM, te ako je projekt vredniji od navedenog iznosa, a podnosilac zahtjeva osiguru preostali dio finansijskih sredstava, kao i odgovarajući prostor koji je neophodan za realizaciju projekta;
- ukoliko se odobre finansijska sredstva potpisat će se ugovor da je podnosilac prijave primio određena sredstva

i da neće potraživati druge vidove pomoći od Općine u vremenskom roku od 5 godina.

Član 3.

Projekt iz prethodnog člana treba da sadrži:

- naziv projekta i oblast na koji se projekt odnosi;
- jasno definisane ciljeve projekta koji će biti realizovani;
- vrsta aktivnosti koja će se provesti u svrhu postizanja projektovanog zadatka;
- podatke o voditelju projekta (potpisnik prijave);
- metode rada i očekivani rezultat;
- dinamiku utroška dobivenih sredstava.

Član 4.

Prednost pri dodjeli finansijskog podsticaja za samozapošljavanje imaju lica koja:

- posjeduju odgovarajuće resurse za djelatnost kojom se podnosilac projekta namjerava baviti;
- imaju status branitelja od 1992. - 1995. godine.

Član 5.

Ocjenjivanje i izbor projekata prijavljenih po Javnim pozivu vršit će Komisija za finansije i budžet u saradnji sa Komisijom za pitanja boraca i žrtava rata.

Odluku o dodjeli sredstava za samozapošljavanje demobilisanih boraca, donosi Općinsko vijeće, a na prijedlog Komisija iz prethodnog stava.

Član 6.

Prijave na Javni poziv podnose se u zatvorenoj koverti putem pošte ili predajom na šalter u zgradi Općine, sa naznakom "Prijava na Javni poziv za raspodjelu sredstava namijenjenih za samozapošljavanje demobilisanih boraca."

Projekti sa nepotpunom dokumentacijom kao i projekti podneseni mimo utvrđenog roka neće se uzimati u razmatranje.

O rezultatima Javnog poziva svi učesnici će biti obaviješteni pismenim putem, a mogu se i lično informisati u nadležnoj službi Općine.

Rok za podnošenje prijave na Javni poziv je 30 dana od dana njegovog objavljivanja.

Član 7.

Uz prijavu na Javni poziv učesnici su dužni priložiti:

- projekt o načinu utroška finansijskih sredstava;
- rješenje o statusu borca;
- potvrda o nezaposlenosti izdata od Zavoda za zapošljavanje;
- za lica koja nemaju riješen status odgovarajuća potvrda od kada nemaju riješen status (potvrdu izdaje preduzeće) kao i/da razlog takvog statusa nije rezultat lične krivice dotičnog uposlenika;
- da nije dobio određena sredstva prilikom demobilizacije (10.000,00 KM);
- potvrda općinske službe nadležne za katastar o posjedovanju prostorija (kuća) ili zemljišta za obavljanje određene djelatnosti.

Član 8.

Ovi Kriteriji stupaju na snagu danom objavljivanja na oglasnoj tabli Općine Stari Grad Sarajevo, a naknadno će biti objavljeni u "Službenim novinama Kantona Sarajevo".

Broj 02-49-215/07
aprila 2007. godine
Sarajevo

Predsjedavajući
Općinskog vijeća Stari Grad
Sarajevo
doc. dr. **Rizah Avdić**, s. r.